



**GARIS PANDUAN PENGOPERASIAN PEJABAT SEMASA TEMPOH  
PERINTAH KAWALAN PERGERAKAN BERSYARAT (PKPB)**  
**KEMENTERIAN PEMBANGUNAN LUAR BANDAR**  
**MULAI 14 HINGGA 27 OKTOBER 2020**

## **1. TUJUAN**

- 1.1 Garis panduan ini bertujuan untuk menjelaskan mengenai tatacara pengoperasian pejabat semasa dalam tempoh Perintah Kawalan Pergerakan Bersyarat (PKPB) mulai 14 hingga 27 Oktober 2020 bagi Kementerian Pembangunan Luar Bandar (KPLB), Pejabat KPLB Negeri dan Jabatan/Agensi di bawahnya.

## **2. LATAR BELAKANG**

- 2.1 Menteri Kanan Pertahanan, YB Dato' Sri Ismail Sabri bin Yaakob menerusi sidang media dan selaras dengan keputusan Sidang Khas Majlis Keselamatan Negara (MKN) pada 12 Oktober 2020 telah menetapkan pelaksanaan Perintah Kawalan Pergerakan Bersyarat (PKPB) di seluruh negeri Selangor, Wilayah Persekutuan Kuala Lumpur dan Wilayah Persekutuan Putrajaya berkuat kuasa pada 14 hingga 27 Oktober 2020.
- 2.2 Ketua Setiausaha Negara (KSN) melalui kenyataan media pada 12 Oktober 2020 menyatakan bahawa sepanjang tempoh PKPB ini semua perkhidmatan kerajaan tetap beroperasi dengan penjawat awam mengadaptasi sistem penggiliran dan bekerja dari rumah (BDR) mengikut keperluan dengan mengambil kira kebijakan mereka.
- 2.3 Setiap Ketua Jabatan dikehendaki untuk mematuhi Surat Edaran Jabatan Perkhidmatan Awam rujukan JPA.SARAAN(S) 256/6/31JLD.6(6) bertarikh 2 Mei 2020 yang memberi kelonggaran kepada Ketua Jabatan untuk mempertimbang dan memberi kelonggaran kepada sebahagian pegawai untuk

bekerja menggunakan waktu kerja fleksi dan sebahagian untuk bekerja di rumah sama ada secara penggiliran atau sepenuh masa agar penggunaan sumber manusia adalah secara optimum bergantung kepada tugas pegawai.

### **3. TAFSIRAN**

- 3.1 **Ketua Jabatan** bermaksud Setiausaha Bahagian/Ketua Unit/Pengarah/Ketua Jabatan/Ketua Agensi di bawah KPLB.
- 3.2 **Pegawai** bermaksud pegawai/kakitangan Kementerian Pembangunan Luar Bandar/Pejabat KPLB Negeri/Jabatan/Agenzi di bawah KPLB.

### **4. PANDUAN UMUM**

- 4.1 Setiap pegawai perlu sentiasa melaksanakan amalan kawalan kendiri bagi menyekat penyebaran wabak Covid-19 dengan memakai topeng muka, mengutamakan kebersihan diri iaitu kerap membasuh tangan menggunakan sabun atau mencuci tangan menggunakan hand sanitizer serta mengamalkan penjarakan fizikal (1 meter).

### **5. KEHADIRAN KE PEJABAT**

- 5.1 Semua pegawai perlu hadir ke pejabat mulai 14 hingga 27 Oktober 2020 secara sepenuh masa selama 9 jam berdasarkan waktu bekerja fleksi (WBF) mengikut jadual bertugas yang diarahkan oleh Ketua Jabatan.
- 5.2 Ketua Jabatan boleh mempertimbangkan permohonan bekerja dari rumah (BDR) mengikut keperluan dengan mengambil kira kebijakan penjawat awam dalam urusan penjagaan anak sebagaimana surat edaran Ketua Pengarah Perkhidmatan Awam bilangan JPA.SARAAN (S) 256/6/ 31 Jld.6(6) bertarikh 2 Mei 2020.

- 5.3 Pegawai/kakitangan yang dikenal pasti sebagai *Person Under Investigation* (PUI) berkaitan dengan COVID-19 tidak dibenarkan ke pejabat dan perlu mengikut garis panduan prosedur kuarantin KKM.
- 5.4 Pegawai/kakitangan yang berada di kawasan Perintah Kawalan Pergerakan Diperketat (PKPD) tidak dibenarkan hadir ke pejabat atas sebarang urusan.
- 5.5 Ketua Jabatan perlu memastikan semua pegawai hadir ke pejabat kecuali pegawai yang mengambil cuti, bertugas di luar kawasan, kuarantin dan kebenaran bekerja dari rumah (BDR) serta operasi jabatan berfungsi sepenuhnya.

## **6. MESUARAT/PERSIDANGAN/PERBINCANGAN/PERJUMPAAN**

- 6.1 Sebarang mesuarat/persidangan/perbincangan/perjumpaan di peringkat Kementerian dilaksanakan secara atas talian serta menggunakan medium yang selamat dan terjamin dari segi kerahsiaan atau ditangguhkan sekiranya bersesuaian.

## **7. SURAU**

- 7.1 Surau adalah ditutup.

## **8. AKTIVITI SUKAN**

- 8.1 Semua aktiviti sukan, rekreasi, sosial dan budaya tidak dibenarkan.

## **9. PENUTUP**

- 9.1 Ketua Jabatan perlu memastikan semua pegawai di bawah seliaan masing-masing mematuhi peraturan Perintah Kawalan Pergerakan Bersyarat (PKPB) yang dikeluarkan oleh Majlis Keselamatan Negara (MKN) dan semua arahan oleh pihak berkuasa dari semasa ke semasa dalam mencegah penularan COVID-19 khususnya di kalangan warga Kementerian ini.